

## Kadasi nnyo su bo YOHANE akerε i ni

<sup>1</sup> Mini bo m ti am kpien ni, sukere ahin jore n fa ma woro bara bo Nyeme ayi u, ni u nbaam n a. M koro am nahore su, ma mini ngumi koro am a, ama, bo bu si nahore atin n kere koro am wo, <sup>2</sup> dama nahore n wo ya do o, na i ba wo ya do o, sanga kere bo i la ma awieeri.

<sup>3</sup> Ya Si Nyeme, ni i Wa Yesu Kristo buka ya, na bu si ya anunfo, na bu ma ya ahoreda, na ya su nahore atin su ni koro.

*Am koro am bengu na am si am nu sa ni dadakafom ni*

<sup>4</sup> Ma nu ka am nbaam nbem bita nahore n kabo ya Si Nyeme afa i noanie n ama ya ni, nyini de ti, wo yo m fie agaya. <sup>5</sup> Kisa, bara, m susere am wo, ka am ma ya koro ya bengu. Ahin ti ma noanie maawa fofore ye m sukere ma am n a, ama, i ti noanie maawa kun n bo ya tiiri i sanga bo ya boori i bu suuri Yesu su n wo. <sup>6</sup> Koro n bo m sujoko i jore n la ka, ya wo kabo Nyeme noanie maawa n kere ni. Noanie maawa n bo am du mo tiiri i n la ka, am koro am bengu.

<sup>7</sup> Dadakafom beberebe asandi abara aye durunya n nu, bu na Yesu Kristo akaaki ma adamande aba ma durunya n nu. Bere ti dadakafom wo, na bu ti Kristo kpofom. <sup>8</sup> Nyini ti, am si am nu sa, na ma deke n bo ya yi

anyumboro afa akere am n ka ηgbεεn, ama, na am ba nya i kere ηkato. <sup>9</sup> Sono kere bo i su má Kristo dεε kereewa n su, na i kere i dεε kereewa kɔ sin nyini ηu, Nyeme wo má i mi dɔ, ama, sono kere bo i su Kristo dεε kereewa n su, ya Si Nyeme, ni i Wa n wo i mi n dɔ lεε. <sup>10</sup> Nyini ti, sono kere bo i baari am dɔ, na i bita má Kristo dεε kereewa ni, má am ma i mi wura am dika, má am yo i anse ni ba mmɔɔ. <sup>11</sup> Dama wɔrɔ kere bo a yoori nyinim be sɔ anse, a jina i mi sin fa kɔ i satiem n bo i yo bu n su wɔ lεε.

*Awieeri su dεε jɔre ni*

<sup>12</sup> Má m la jɔre beberebe bo má m se am, ama, m koro má ka m kere i kere wura ahin kadasi n nu, ama, m la tama ka m bá nie am busu, na ya nú ya ηu, na ya bó anzama, bo ya ahore jɔ ni nahore su.

<sup>13</sup> U niemabara n bo Nyeme ayi i ni i nbaam kere bo bu wo fen n bisa am kere dɔngɔ.

**Nyeme Jore Kadasi**  
**The New Testament in Anufo (Chokosi)**

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

---

PDF generated using Haiola and XeLaTeX on 21 Feb 2024 from source  
files dated 29 Jan 2022

fe36d0e6-2a60-5e15-8d1c-8bf275389598